

Un cento de escritores galegos tomarán parte no congreso que hoxe será inaugurado en Poio

SANTIAGO.— (Da nosa Delegación).

Para as once de mañán de hoxe está previsto o acto de apertura do primeiro congreso de escritores en lingua galega, que durante tres días posibilitara a participación activa dun cento de creadores das letras galegas, no Mosteiro de Poio (Pontevedra). No acto de inauguración intervirán os escritores Rafael Dieste, Ricardo Carballo Calero, así como os compoñentes da directiva da Asociación de Escritores.

A poñencia sobre narrativa, que estará a cargo de Basilio Losada, será presentada aos congresistas a partires das doce. Seguirá outra poñencia sobre a presenza do noso idioma e da nosa literatura no ensino, da que se responsabiliza Pilar García Negro. Xa pola tarde, e a partires das catro, están previstas dúas ponencias que teñen como centro de atención ao escritor galego como tal; os poñentes serán Xosé Luis Méndez Ferrín («de escritores galegos») e Camilo Vaidehorras («subdesarrollo e porvir da literatura galega»). As seis da tarde, seguirán presentándose poñencias encol de «A subsistencia do escritor», da que se encargará Xoaín Ignacio Taibo, e «Problemas da literatura galega cara a súa proxección exterior», que presentará a súa autora Pilar Vázquez Ouesta. O último acto deste primeiro día de congreso terá como protagonistas principais aos escritores portugueses Casimiro de Brito, José Augusto Seara («O movemento da nova renascença»). Elgijo González e Manuel Ferreira («Literatura Afro - portuguesa»). Os actos de pola mañán estarán moderados por Faco Martín, e os de pola tarde terán como moderador a Alfredo Conde.

As poñencias de mañán domingo xirarán a partires das dez de mañán encol de o escritor e a lingua, encetándose coa que presenten Víctor Vaqueiro, Miguel Anxo Murado, Xosé Ramón Pena e un membro do Instituto da Lingua, encol da normativización. As 12 serán o grupo Rompente («Notas sobre a actitude literaria») e Manuel Ouña Novas «Sobre da poseta», os que presenten a ponencia relativa a creatividade poética en Galicia. Os actos de pola mañán serán moderados por Álvarez Pousa. A partires das catro da tarde, as ponencias tocarán o tema de o escritor e os medios de comunicación, responsabilizándose das mesmas Víctor Freixanes, Luís Álvarez Pousa, Manolo Rivas e Margarita Ledo Andión, esta última co tema concreto de unha «Proposta para unha publicación periódica de grupo». A partires das seis da tarde, e tendo como moderador a Bernardino Graña, desenrolarase unha mesa redonda sobre a situación das literaturas catalana, vasca e galega.